

ՏԵՂԵԿԱՏՈՒ

Փետրուարի 2-ին Ս. Էջմիածին վերադարձաւ Գէորգեան ճեմարանի տեսուչ Տ. Բագրատ վրդ., որ ճեմարանի գործերով գնացել էր Մոսկովա և Պետերբուրգ: Հայր սուրբին այս անգամ ևս յաջողուել է մի քանի զբամական նուիրատուութիւններ անել տալ յօգուտ ճեմարանի: Մոսկովանակ Թորոսեան եղբայրները, որոնք 30,000 ռուբլի նուիրել էին ճեմարանի բաղում բնագիտական կարինետ հիմնելու, այժմ 10,000 ռ. էլ աւելացրել են. ուրեմն միայն բնագիտական հաստատութեան շինութեան համար այժմ կայ 40,000 ռ. այդ զբամազլուխն այժմ տեղափոխուած է ս. Էջմիածին: Նոյն Թորոսեանները խոստացել են, երբ բնագիտական հաստատութիւնը պատրաստ լինի, իրանց ծախքով հիմնել այնտեղ նաև օգերեւութաբանական և առողջարաշխական դիտարան և զբա համար անհրաժեշտ բոլոր իրերն առնել ուղարկել:—Բացի այդ, Մոսկովանակ տիկին Վ. Քանանեան նուիրել է 1500 ռ. որպէսզի այդ փողով նոր կառուցուելիք Թանգարանում հոգեբանական և մանկավարժական փորձեր կատարելու համար գործիքներ գնուին: Տիկին Քանանեանը նուիրել է նաև 10.000 ռ., որի տոկոսներով հրատարակուելու են մանկավարժական հոգեբանական ուսումնասիրութիւններ:

Պետերբուրգում հայր Բագրատին յաջողուել է հայ եկեղեցիներին խորհրդից ստանալ տարեկան 1000 ռ. ճեմարանի բաղում գիւղատնտեսական գործնական զբաղմունքներ կազմակերպելու համար. անցեալ տարուայ 1500-ի հետ, ճեմարանն այժմ այդ նպատակով ունի 2500 ռ.: Պետերբուրգի հայոց եկեղեցիներին խորհուրդը բացի դրանից 1000 ռ. է յատկացրել ճեմարանի ֆիզիկական կարինետի համար գործիքներ գնելու:

Յունուարի վերջերին Մայր Աթոռ ժամանեց Ղարաբաղի Թեմի կառավարիչ Տ. Չաւէն վարդապետը իւր Թեմի հայ ազգաբնակչութեան հոգևոր վարչական ղալոցական և կալուածական գրութեան մասին զեկուցում տալու: Տէր Տեղակալը առանձին ուշադրութեամբ և հետաքրքրութեամբ է վերաբերուել Չաւէն վարդապետի զեկուցմանը և կալուածական խնդրի նկատմամբ նրա արած առաջարկութիւններին: Տ. Տեղակալի մօտ սինոդականների ներկայութեամբ կարգացուել է այդ զե-

կուցումը և որոշուել է յատուկ մասնագէտի և տեղական հոգևոր իշխանութեան ղեկավարութեամբ ամբողջ թեմի մանրամասն և ճշգրիտ ինվենտար կազմել, թարգմանել տալ այդ ինվենտարը եւրոպական լեզուներով և ուղարկել այն ընկերութիւններին, որոնք ղիմել են և առաջարկել իրանց պայմանները օգտուելու թեմի կալուածներին:—«Արարատի» մէջ կաշխատենք մանրամասն տեղեկութիւն տալ այդ շահեկան ղեկուցագրի մասին:

ՊՈՍՏԱՐԿՂ.

- Մոսկվա Էմ. ք. Նազարեանին. «Պրաւոսլաւ եկեղեցու հայեացքը հայ եկեղեցու վրայ»—թարգմանութիւնը ուղարկուեց Ձեզ. իսկ «Տնավարի կտակը» լոյս կը տեսնի յաջորդ համարում:
- Կախ Աւան Թադ. Աւդալբէկեանին. «Հողի վիշտը» Ձեր գրածի համաձայն յանձնեցինք Վ. Փոթէյեանին:
- Կարս Ա. Օլթեյեանին. «Հայրենագիտութեան նիւթի մշակումը» ցաւօք սրտի չենք կարող տպել յօդուածի երկարութեան պատճառով: Յօդուածը Ձեզ յետ ուղարկեցինք:
- Ն. Նախիջեւան Հր. Աճառեանին. Ձեզ նամակ գրուեց «Գաղթականութիւնը» յօդուածի մասին:
- Թիֆլիզ Կարապետ Ղազարեանին } Ձեն տպուի Ձեր ուղարկած յօդուածներն ու
Էջմիածին Անուրջին }
Ն. Նախիջ. Նիկ. ք. Բոսնակեանին }
Գանձակ Ն. Ռշտունուն } թարգմանութիւնները.
Տաւրիս Մարկոս քհնյին. «Կրօնոսոյցի զրոյցները» և «Փորժիկ եկեղեցի» չեն տպուի, իսկ «Զրոյցներից Աստուծոյ և նրա արդարութեան մասին» շնորհակալութեամբ կօգտուենք «Արարատի» համար:

Ս Ս Ա Յ Ո Ւ Ա Մ Գ Ր Ք Ե Ր

1. Pessimist-ի կազմած «Փորձնական մանկավարժութեան արդիւնքները, ըստ պրոֆ. Մէյմանի. 1911 թ. էջմ. գինն է 30 կ.
2. Կարէն Մեքայէլեան. Զրկանքի յոյգեր Թիֆլ. 1907 թ. գինն է 50 կ. 212 էջ.
3. Կ. Միք. Զմրան Երեկոյ Մոսկվա 1912 թ. գ. 60 կ. 151 էջ.
4. Ազգագրական հանդէս 1911 թ. XXI գիրք.